

正定與世間定之異同

一、前言：味定之過失

二、「定」之共義

《成唯識論》：「定唯繫心專注一境。此識任運剎那別緣。既不專一故無有定。」、「云何為定。於所觀境令心專注不散為性。智依為業。」

三、正定與世間定之別異

1、《解脫道論》：「定有二種。一世間定。二出世間定。聖果所得。謂出世定。餘名世定。其世間定。是有漏、有結、有縛。是流、是厄、是蓋、是戒盜、見盜。是取、是煩惱。此謂世間定。與此相違名出世定。」

2、《持世經》：「菩薩摩訶薩觀一切定皆是邪定。何以故。凡諸法中。所取緣定相。所取知定相。所取三昧戲論定相皆名為邪。邪者即是貪著義。是定不爾。如所緣取相不取相。無求無戲論無憶念。名為正定。若不貪著不分別此彼。斷貪著喜不受定味。壞取定相心無所住。是名正定。」

3、《大般涅槃經》：「夫正定者真實是道。非不正定而是道也。若入正定乃能思惟五陰生滅。非不入定能思惟也。」

四、正見與正定的關係

1、《成實論》：「問曰。疑有何過。答曰。若多疑者。一切世間出世間事皆不能成。所以者何。疑人不能起發事業。若發則劣故不能成。又經中說。疑是心之栽藥。猶如荒田多栽藥。故異草尚不得生。況稻穀等。心亦如是。為疑根所壞。於邪事中尚不能定。況能正定。又佛說。疑名闇聚。闇聚三種。過去闇聚未來闇聚現在闇聚。此闇聚是諸我見生處。又此人設得定心則是邪定。若離佛法則無能為說正定者---又此疑者。若為施等福德。或無果報或少得報。所以者何。是諸福業皆從心起。是人心常為疑所濁。故無善福。」

2、《成實論》：「又有三種人。正定·邪定·不定。正定者。必入泥洹。邪定者必不入泥洹。餘名不定。若人能解佛法義者必入正定。」

3、《解脫道論》：「於泥洹專心是正定。」